

永平府志卷六十七

列傳十九

后妃

前燕主慕容皝后段氏鮮卑人本單于段國之女也初進為夫人晉咸康初皝即王位冊拜為王后及儁稱尊追諡曰文明皇后配饗於太祖後垂僭立尊生母蘭氏為文昭皇后欲遷段氏於別室而以蘭氏配饗詔百官議之皆以為當然博士劉詳董謐議以為堯母為常饗妃位次第三不以貴陵姜嫄明聖王之道以至公為先文昭后宜立別廟垂怒逼之詳謐曰上所欲為無問於臣臣按經奉禮不敢有二垂乃不復

永平府志

卷六十七

后妃

一

問諸儒卒遷段氏而以蘭氏配饗太祖

十六國春秋前燕錄

後燕主慕容垂后先段氏遼西鮮卑段末柸之女也垂為吳王時立為王妃生子令寶段氏才高性烈自以貴姓不尊事太后可足渾氏渾氏銜之儁又素不平於垂中常侍涅皓因希儁旨告段氏及吳國典書令遼東高弼為巫蠱欲以連污垂遂收段氏及弼下大長秋廷尉考治一作驗段氏及弼志氣確然終無撓辭拷掠甚急垂愍之私使人謂段氏曰人生會當一死何堪楚毒如此不若引服段氏歎曰吾豈愛死者耶若自誣以惡逆上辱祖宗下累於王固不為也辨答

易明故垂得以免禍而段氏竟死於獄中垂出爲平
州刺史還鎮遼東垂以段氏女弟爲繼室可足渾氏
黜之以其妹長安君妻垂垂不悅由是渾氏益惡之
密謀殺垂垂遂奔秦及卽位追諡段氏曰成昭皇后

十六國春秋後燕錄

後燕王慕容垂后後段氏字元妃遼西鮮卑光祿大夫
段儀之女也少而婉慧有節操嘗謂其妹季妃曰我
終不作凡人妻季妃曰我亦不爲庸夫婦鄰人聞而
笑之內黃人張定善相見儀二女大驚曰君家大興
當由二女儀深異之至年二十餘而不嫁儀子倫謂

永平府志

卷六十七

后妃

一一

儀曰張定何知而拒求者儀曰吾女輩志行不凡故
且踟躕以擇良配旣而垂納元妃爲繼室遂有殊寵
及僭帝位冊拜爲皇后范陽王亦聘季妃姊妹皆皇
后卒如其言先段氏生子令寶元妃生子朗鑒愛諸
姬生子麟農隆柔熙寶初爲太子有美稱已而荒怠
中外失望元妃嘗言於垂曰太子資質雍容柔而不
斷遭承平之世足爲神明之主今國步艱難恐非濟
世之雄陛下託之以大業妾未見克昌之美遼西高
陽二王陛下之賢子宜擇一人付之趙王麟奸詐彊
愎陛下一旦不諱必爲國家之患此陛下之家事宜

早圖之垂不悅寶善事垂左右左右多譽之故垂以爲賢其後元妃又言之垂謂之曰汝欲使我爲晉獻公乎元妃泣而退告其妹季妃曰太子不才天下所知吾爲社稷計言於主上乃比吾爲驪戎之女何其苦哉主上百年之後太子必喪社稷范陽王有非常氣度若燕祚未終其在王乎寶及麟聞之深以爲恨及垂死寶嗣立使麟謂元妃曰后常謂主上下能嗣守大業今竟能否宜早自裁以全段宗元妃怒曰汝兄弟尚逼殺其母况能保守先業乎吾豈愛死但念國亡不久耳遂自殺寶議以元妃謀廢嫡統無母后

永平府志

卷六十七

后妃

三

之道不宜成喪羣臣咸以爲然中書令睦邃颺言於朝曰子無廢母之義漢世安思閻后親廢順帝猶得配享太廟况先后曖昧之言虛實尙未可知宜依閻后故事寶從之乃成喪追尊諡曰成哀皇后其後麟果作亂寶亦被殺德復僭稱尊號終如元妃之言

六十

國春秋
後燕錄

後燕主慕容寶后段氏遼西鮮卑人前將軍段璣之姑也初進爲昭儀生子策字道符策於諸子中最少寶甚寵愛之封濮陽公年十二美姿貌而蠢弱不慧時寶冢嗣未定欲立太子而垂意屬於清河公會寶意

不在會猶豫未決庶長子長樂公盛潛知之稱策堪
為儲貳寶遂立策為太子立段氏為皇后後盛嗣位
尊段氏為皇太后長樂二年冬十一月丁未卒諡曰

惠德皇后策曰獻哀太子

十六國春秋後燕錄德以晉隆安四年僭即皇帝位

改元為建平元年立妻段氏為皇后六年冬十一月
備德寢疾北海王超請禱之不許是夜夢其父皝曰
汝既無子何不早立超為太子不爾惡人生心寤而
告其妻曰先帝神明所敕觀此夢意吾將死矣至夜
其疾益甚呼段后公主及超呼曰今召中書作詔立
欲有所言竟遂不能段后乃立超為皇太子超嗣位尊
超后為皇太后又超字祖明備德兄北海王納之
子也備德與垂起兵山東張掖太守符昌收納及備
德諸子皆誅之納妻段氏以懷娠未決囚於郡獄
獄掾呼延平備德之故吏也嘗有死罪備德免之竊
將段氏逃於羌中段氏生超太上四年追尊父北海

永平府志

卷六十七

后妃

四

穆王為穆皇帝立母段氏為皇太后
以上二段無傳從德超傳內撮錄於此

後魏高宗乳母常氏遼西人太延中以事入宮世祖選

乳高宗慈和履順有劬勞保護之功高宗即位尊為

保太后尋為皇太后謁於郊廟和平元年崩詔天下

大臨三日諡曰昭葬於廣甯磨笄山俗謂之鳴雞山

太后遺志也依惠太后故事別立寢廟置守陵二百

家樹碑頌德

魏書

遼道宗皇后蕭氏平州人贈同平章事蕭顯烈女也后
生有神光之異後入宮為芳儀進位昭儀生空古里
是為秦王後名元吉餘子皆不育道宗登位后正位

中宮性恬淡寡欲魯王宗元之亂道宗與同射獵內
外震恐未知音耗后勒兵鎮帖中外甚有聲稱後崩

葬祖州

契丹國志

海濱王后蕭氏平州人節度使蕭稿刺之女也性閑淑
有則度遭女真之難天祚荒淫后不能違以至禍敗

契丹國志案以上
二傳與遼史大異

論曰燕之諸王多娶段氏立后者四跡其事與燕
相終始契丹之代耶律與蕭世爲甥舅此所謂昏
於貴族猶有王姬紀姜之遺意也段國令支已登
紀載其女亦不宜漏而魏之保太后遼之二蕭后
皆斯地所產故備載焉至我朝恪妃石氏本
灤州石副使維嶽孫女其誕生之異已詳載於副
使傳後故不復與偏據之后妃並列蓋恐其褻尊
云

永平府志

卷六十七

后妃

五